

АКАФИСТ



ПРЕПОДОБНОМУ
СЕРАФИМУ
САРОВСКОМУ



Тропарь, глас 4

От юности Христа возлюбил еси, преподобне,/ и
Тому Единому поработати пламенно вожделе еси,/ в
пустынном житии твоём непрестанною молитвою
и трудом подвизался еси,/ умиленным сердцем
любовь Христову стяжав,/ Небесным Серафимом в
песнословии сподобниче,/ в любви притекающим
к тебе Христу подражателю,/ темже избранник
возлюблен Божия Матере явился еси,/ сего ради
вопием ти:/ спасай нас молитвами твоими, радости
наша,/ тёплый пред Богом заступниче,/ Серафиме
блаженне.

Кондак, глас 2

Мира красоту и яже в нем тленная оставив,
преподобне,/ в Саровскую обитель вселился еси/
и, тамо ангельски пожив,/ многим путь был еси ко
спасению,/ сего ради и Христос тебе, отче Серафиме,
прослави/ и даром исцелений и чудес обогати./
Темже вопием ти:// радуйся, Серафиме, преподобне
отче наш.



АКАФИСТ

преподобному Серафиму Саровскому

Кондак 1

Избранный чудотворче и предивный угодниче Христов, скорый помощниче и молитвенниче наш, преподобне отче Серафиме! Величающе прославльшаго тя Господа, воспеваем ти похвальная. Ты же, имеяй велие дерзновение ко Господу, от всяких нас бед свободи, зовущих:

Радуйся, преподобне Серафиме, Саровский чудотворче.

Икос 1

Ангелов Творец избра ты изначала, да прославиши житием твоим пречудное имя Святыя Троицы явился бо еси воистинну ангел на земли и во плоти Серафим; яко луч пресветлый Вечнаго Солнца Правды, просветися житие твоё. Мы же, зряще прехвальныя труды твоя, с благоговением и радостию глаголем ти сицевая:

Радуйся, правило веры и благочестия; радуйся, образу кротости и смирения.



Рáдуйся, преслáвное вѣрных величáние; рáдуйся, претíхое скóрбным утешѣние.

Рáдуйся, прелюбíмое íноков похвалѣние; рáдуйся, живúщим в мíре предíвное поможѣние.

Рáдуйся, Россíйския держáвы слáво и ограждѣние; рáдуйся, тамбóвския страны́ свящѣнное украшѣние.

Рáдуйся, преподóбне Серафíме, Сарóвский чудотвóрче.

Кондак 2

Вíдящи мáти твоя́, преподóбне óтче Серафíме, тёплую любóвь твою́ ко íноческому жити́ю, познá святу́ю волю Госпóдню о тебѣ, и Бóгу, я́ко дар совершѣн принося́щи, благословí ты на тѣсный путь íноческий святы́м крестóм сво́им, егóже до концá жити́я твоегó на пѣрсах носíл есí, знáменуя вѣлику́ю любóвь твою́ к распѣншемуся за ны Христú Бóгу нашему, Емúже вси со умилѣнием зовѣм: **Аллилу́иа.**

Икос 2

Рáзум небѣсный тебѣ даровáся, свѣтче Бóжий от ю́ности твоея́ не престая́ помышлѣти о Небѣсном, оставíл есí дом óтчий Цáрствия Бóжия рáди и правды Егó. Сегó рáди приимí от нас похвалы́ сия́:





Рáдуйся, гра́да Кúрска ча́до богои́збранное;
ра́дуйся, роди́телей благочести́вых о́трасль
пречестна́я.

Рáдуйся, добродéтели ма́тере своея́ унаслéдивый;
ра́дуйся, благочести́ю и моли́тве ёю научéнный.

Рáдуйся, на по́двиги от ма́тере кресто́м
благословéнный; ра́дуйся, благослове́ние сиé я́ко
святы́ню до сме́рти соблюды́й.

Рáдуйся, любви́ ра́ди Го́спода дом отéческий
оста́вивый; ра́дуйся, вся крáсная ми́ра сегó ни во
что́же вмени́вый.

**Рáдуйся, преподо́бне Серафíме, Сарóвский
чудотво́рче.**

Кондак 3

Си́ла Вы́шняго от ю́ности твоея́ вои́стинну
храня́ше тя, преподо́бне с высоты́ бо хра́ма спа́дша
сохрани́ тя Госпо́дь невреждéнна, и стра́ждущу ти
лю́те Сама́ Влады́чица ми́ра яв́ися, с Небéс исцелéние
принéсши, занé измла́да вёрно служи́л еси́ Бо́гу,
вы́ну взыва́я Ему́: Аллилу́иа.

Икос 3

Име́я тща́ние о по́двиге ино́ческаго равноа́нгель-
наго жити́я, во град святы́й Кíев поклонéния ра́ди



преподобным Печёрским притекл еси, и от уст преподобнаго Досифея повеление приим в пустыню Саровскую путь свой управити, верою издалеча облобызал еси место святое сие, и тамо вселився житие твое богоугодное скончал еси. Мы же, дивящися таковому о тебе Божию промыслению, со умилением вопием ти:

Радуйся, мирския суеты отрешивыйся; радуйся, Небеснаго Отечества пламенно возжелевый.

Радуйся, Христа всем сердцем возлюбивый; радуйся, благое иго Христова на себе восприимый.

Радуйся, совершеннаго послушания исполненный; радуйся, святых заповедей Господних блюстителю верный.

Радуйся, ум твой и сердце в Бозе молитвенно утвердивый; радуйся, столпе благочестия непоколебимый.

Радуйся, преподобне Серафиме, Саровский чудотворче.

Кондак 4

Бурю злых напастей утишая, прошёл еси весь путь тесный и скорбный подвига иноческаго, несый ярём пустыннаго жития, затвора и молчания, мно-



гонощнаго бдѣнія, и тако, благодатию Божіею восходя от силы в силу, от деянія к боговиденію, преселился еси во Обители Горнія, идеже со Ангелы поѣши Богу: **Аллилуиа.**

Икос 4

Слышаще и видяще святое житіе твоё, преподобне отче Серафиме, вся братія твоѧ удивляхуся тебѧ и, приходяще к тебѧ, поучахуся о словесех твоих и подвизах, славяще Господа, дивнаго во святых Своих. И мы вси с верою и любовію восхваляем тя, преподобне отче, и вопиѧ ти сїце:

Радуйся, всего себе в жертву Господеву принесїй; радуйся, на высоту безстрастїа возшедый.

Радуйся, воине Христов добропобѣдный; радуйся, Небеснаго Домовладыки рабе благїй и верный.

Радуйся, предстателю о нас пред Господем непостыдный; радуйся, к Богородице молитвенниче наш неусыпный.

Радуйся, пречуднаго благоуханїа крїне пустынный; радуйся, благодати Божїа сосуде непорочный.

Радуйся, преподобне Серафиме, Саровский чудотворче.





Кондак 5

Божественный свет осия жилище твоё, преподобне, егда болящу ти и на одре смертном лежащу, Самá Пречистая Дéва, пришедши к тебе со святыми апóstолы Петром и Иоáнном, рече «Сей есть от рода нашего», – и главе твоёй коснётся. А́бие же исцелёв, воспёл еси благодарне Гóсподеви: **Аллилу́иа.**

Икос 5

Видя враг рода челове́ча чистое и свято́е жити́е твоё, преподобне Серафíме, восхотé погуби́ти тя: наведé бо на тя лю́ди злы, íже беззакóнно истязáху тя и е́ле жи́ва сýща оста́виша; ты же, óтче святы́й, я́ко а́гнец крóток, вся претерпéл еси́, за обидящих тя Гóсподеви моля́ся. Тёмже мы вси, таково́му твоёму́ незло́бию дивя́щися, вопи́ем ти:

Ра́дуйся, в крóтости и смире́нии твоём Христу́ Бо́гу подража́вый; ра́дуйся, незло́бием твоём дýха зло́бы победíвый.

Ра́дуйся, чистоты́ душе́вныя и телéсныя хранíteлю усёрдный; ра́дуйся, пусты́ннике, дара́ми благодáтными преиспóлненный.

Ра́дуйся, подви́жнике богопросла́вленный и прозорли́вый; ра́дуйся, наста́внике мона́хов предíвный и богому́дрый.



Рáдуйся, Святы́я Цѣркве похвалó и рáдование;
рáдуйся, обíтели Сарóвскія слáво и удобрѣние.
**Рáдуйся, преподóбне Серафíме, Сарóвскій
чудотвóрче.**

Кондак 6

Проповѣдует пусты́ня Сарóвская пóдвиги и труды́
тво́я, богонóсне угóдниче Христóв дѣбри бо и лесá
е́я молíтвою облагоухáл есí, пророку Бóжию Или́и
и Крестíтелю Госпóдню Иоáнну подражáя, и явíлся
есí пусты́ни прозябѣние многоплóдное дарáми Дúха
Свята́го, Егóже дѣйстви́ем мно́гая и преслáвная
соверши́л есí, подвижáя вѣрных воспевáти благíх
Подáтелю Бóгу: **Аллилу́иа.**

Икос 6

Возсия́ в тебѣ нóвый боговíдец, Моисе́ю подóб-
ный, Серафíме блажѣнне непорóчно бо служѣние
алтарю́ Госпóдню совершáя, сподóбился есí зрѣти
Христá, во хра́ме со Безплóтными Сíлами грядúща.
Семú Бóжию о тебѣ благоволѣнию дивя́щися, воспе-
ва́ем ти сýце:

Рáдуйся, боговíдче преслáвный; рáдуйся, Свѣтом
Трисия́нным озарѣнный.

Рáдуйся, Пресвяты́я Трóицы служíтелю вѣрный;





ра́дуйся, Ду́ха Свята́го жилище украше́нное.

Ра́дуйся, Христа́ со А́нгелы телесны́ма очима́
лицезре́вый; ра́дуйся, в брэннем телеси́ райскую
сла́дость предвкуси́вый.

Ра́дуйся, Хле́бом Ж́изни насыще́нный; ра́дуйся,
пити́ем безсме́ртия напо́енный.

**Ра́дуйся, преподо́бне Серафи́ме, Саро́вский
чудотво́рче.**

Кондак 7

Хотя́ Человеколю́бец Госпо́дь яви́ти в тебе́,
преподо́бне, Своё неизрече́нное к лю́дем милосе́рдие,
показа́ тя я́ко вои́стинну свети́ло богосве́тлое
де́лы бо и словеси́ тво́ими всех приводи́л еси́ ко
благоче́стию и любви́ Бо́жией. Те́мже сия́нием
по́двигов тво́их просвеще́ни и хле́бом уче́ния твоего́
насы́щени, тебе́ усе́рдно велича́ем и просла́вльшему
тя Христу́ вопи́ем: Аллилу́иа.

Икос 7

Но́ваго ви́дяще тя избра́нника Бо́жия, издале́ча
притека́ху к тебе́ ве́рнии в ско́рбех и болéзнях; и
сих, беда́ми отягче́нных, не отри́нул еси́, источа́я
целе́ния, да́руя утеше́ние, предста́тельствую



в мо́литвах. Тѣмже исхождаше во всю зѣмлю
Россійскую вещание чудѣс твоих, и си́це ты
сла́вляху духо́вная ча́да тво́я:

Ра́дуйся, па́стырю наш до́брый; ра́дуйся, о́тче
ми́лостивый и кро́ткий.

Ра́дуйся, врачу́ наш ско́рый и благода́тный;
ра́дуйся, не́мощей на́ших целите́лю милосе́рдый.
Ра́дуйся, в беда́х и обстоя́ниях помо́щниче
ско́рый; ра́дуйся, душ смяте́нных умири́телю
пресла́достный.

Ра́дуйся, гряду́щая я́ко настоя́щая прови́девый;
ра́дуйся, прегреше́ний сокро́венных обли́чителю
прозорли́вый.

**Ра́дуйся, преподо́бне Сераф́име, Сара́вский
чудотво́рче.**

Кондак 8

Стра́нное чу́до ви́дим на тебе́, преподо́бне я́ко
ста́рец сый не́мошный и притру́дный, ты́сящу дний
и ты́сящу но́щий на ка́мени в мо́литве пребыва́л
еси́. Кто дово́лен изрещи́ болѣзни и боро́ения
тво́я, блаже́нне о́тче, я́же претерпе́л еси́, возде́я
преподо́бнии ру́це тво́и к Бо́гу, Амали́ка мы́сленнаго
побежда́я и Го́сподеви по́я: **Аллилу́иа.**



Икос 8

Весь еси желáние, весь слáдость, Сладчáйший Иисúсе! – тáко в молíтвах взывáл еси, óтче, в пустýннем безмóлвии твоём. Мы же, суето́ю помрачénнии и во гресéх все житиé иждíвшии, восхваля́юще любóвь твою́ ко Гóсподу, сй́це вопи́ем ти:

Рáдуйся, любя́щим и чту́щим тя ходáтаю спасéния; рáдуйся, приводя́й грéшников ко исправлénию.

Рáдуйся, молчáльниче и затвóрниче предíвный; рáдуйся, молíтвенниче о нас усéрдный.

Рáдуйся, пла́менную любóвь ко Гóсподу показáвый; рáдуйся, огнём молíтвы стрéлы вра́жия попалíвый.

Рáдуйся, свещé неугасíмая, молíтвою в пустýни пламенéющая; рáдуйся, светíльниче, горя́й и светя́й даровáнии духóвными.

Рáдуйся, преподóбне Серафíме, Сарóвский чудотвóрче.

Кондак 9

Все естество́ áнгельское удивíся стрáнному зрénию стáрцу бо, сýщу в затвóре, Небесé и землí Царíца явися, повелевáющи, да открьéт затвóр свой и да не возбранíт лю́дем правослáвным внíти к себé, но да всех пéти научíт Христú Бо́гу: **Аллилу́иа.**





Икос 9

Ветии многовещанныи не возмогут изрещи крепость любви твоея, блаженне преда́л бо еси́ себе́ на служение́ всем приходя́щим к тебе́, повеление́ Богома́тере исполня́я, и был еси́ недоумева́ющим советникъ благий, уныва́ющим утешитель, заблужда́ющихся крѣткое вразумление, болящихъ врач и целитель. Сего́ ради вопие́м ти:

Ра́дуйся, от ми́ра в пусты́ню всели́выйся, да добродѣтели приобрета́еши; ра́дуйся, из пусты́ни во обительъ возврати́выйся, во еже добродѣтели семенá сѣяти.

Ра́дуйся, Ду́ха Свята́го благода́тию осия́нный; ра́дуйся, крѣтосте и смире́ния исполненный.

Ра́дуйся, притека́вшим к тебе́ отецъ чадолюбивый; ра́дуйся, в словесѣхъ любви́ ободрение и утешение им подава́вый.

Ра́дуйся, приходя́щая к тебе́ радостию и сокровищемъ именовавый; ра́дуйся, за любовь твою́ святу́ю радостей Небѣснаго Царствія сподобивыйся.

Ра́дуйся, преподѣбне Серафиме, Сарѳвский чудотворче.



Кондак 10

Спасительнаго твоего подвига, преподобне, достиг скончания, на молитве коленопреклоненно святую душу твою в руке Божии предал еси, юже Ангели святии вознесоша Горю ко Престолу Вседержителя, да со всеми святыми предстоиши во славе невечерней, воспевая песнь хвалобную святых Святейшему Слову: Аллилуиа.

Икос 10

Стена всем святым и иноком отрада, Пресвятая Дева пред кончиною твоею явися ти, провозвестивши близкое твое к Богу отшествие. Мы же, дивящися таковому посещению Богоматере, вопием ти:

Радуйся, Небеси и земли Царицу лицезремый; радуйся, явлением Божия Матере обрадованный. Радуйся, весть от Нея ко преселению Небесному приемый; радуйся, праведною кончиною святость жития твоего показавый.

Радуйся, в молитве пред иконою Богоматере умиленный дух твой Богу предавый; радуйся, неболезненным исходом проречения твоя исполнимый.

Радуйся, венцем бессмертия от руки Вседержителя





увенчанный; радуйся, блаженство райское со всеми святыми, унаследовавший.

Радуйся, преподобне Серафиме, Саровский чудотворче.

Кондак 11

Пение непрестанное Пресвятей Троице вознося, преподобне, всем житием твоим подвижник великий благочестия явился еси, заблуждшим на вразумление, болящим душою и телом на исцеление. Мы же, благодарни суще Господеви за такую милость Его к нам, вину зовем Ему: **Аллилуиа.**

Икос 11

Светоподательный светильник быв в житии, богоблаженне отче, и по смерти твоей возсиял еси яко светозарное светило Российския земли источаеши бо от честных мощей твоих токи чудес всем, с верою и любовью к тебе притекающим. Темже мы, яко молитвеннику о нас теплomu и чудотворцу, вопием ти:

Радуйся, множеством чудес от Господа прославленный; радуйся, любовью твоею всему миру возсиявший.

Радуйся, любве Христовы верный последова-



телю; радуйся, утешение всем требующим твоея помощи.

Радуйся, источник чудес неоскудеваемый; радуйся, болящих и недужных исцелителю.

Радуйся, воды многоцелébныя кладязю неисчерпаемый; радуйся, яко вся концы земли наша любовь твою объял еси.

Радуйся, преподобне Серафиме, Сарóвский чудотворче.

Кондак 12

Благодать и велие твое дерзновение пред Богом вèдуще, тебе, преподобне отче, молимся молися тёпле ко Господу, да хранит Цёрковь Свою Святую от неверия и раскола, от бед и напáстей, да поём тобою благодéющему нам Богу: **Аллилуиа.**

Икос 12

Поюще твое прославление, ублажаем тя, преподобне, яко многомощна молитвенника о нас пред Господом, утешителя и заступника, и с любовь возглашаем ти сщце:

Радуйся, Цёркве Правослávныя похвалó; радуйся, Отéчеству нашему щит и ограждение.

Радуйся, путеводителю, всех к Небеси направляяй;





ра́дуйся, за́щитниче наш и покрови́телю.

Ра́дуйся, си́лою Бо́жиею мно́гая чудеса́ соде́явый;
ра́дуйся, ри́зою тво́ею мно́гия недужныя
исцели́вый.

Ра́дуйся, вся ко́зни диавольския победи́вый;
ра́дуйся, зве́ри ди́кия кро́тостию тво́ею
покори́вый.

**Ра́дуйся, преподо́бне Серафи́ме, Саро́вский
чудотво́рче.**

Кондак 13

О предивный уго́днице и вели́кий чудотво́рче,
преподо́бне о́тче Серафи́ме, приими́ ма́лое сие
молéние на́ше, в похвалу́ тебé возно́симое, и, предсто́я
ны́не Престо́лу Царя́ ца́рствующих, Го́спода на́шего
Иисуса́ Христа, моли́ся о всех нас, да обря́щем
милосе́рдие Его́ в Де́нь Су́дный, в ра́дости пою́ще
Ему́: **Аллилу́иа.**

Этот кондак читается трижды.

Икос 1

А́нгелов Творе́ц избра́ ты изнача́ла, да просла́виши
жити́ем твои́м пречу́дное и́мя Святы́я Трои́цы яви́л-
ся бо еси́ вои́стинну а́нгел на земли́ и во плóти сера-
фим; я́ко луч пресве́тлый Ве́чнаго Со́лнца Пра́вды,



просветіся житіе твоё. Мы же, зряще прехвальные труды твои, с благоговением и радостью глаголем ти сицевая:

Радуйся, правило веры и благочестия; радуйся, образе кротости и смирения.

Радуйся, преславное верных величание; радуйся, претихое скорбным утешение.

Радуйся, прелюбимое иноков похваление; радуйся, живущим в мире предивное поможение.

Радуйся, Российския державы славо и ограждение; радуйся, тамбовския страны священное украшение.

Радуйся, преподобне Серафиме, Саровский чудотворче.

Кондак 1

Избранный чудотворче и предивный угодниче Христов, скорый помощниче и молитвенниче наш, преподобне отче Серафиме! Величающе прославляшаго тя Господа, воспеваем ти похвальная. Ты же, имеяй велие дерзновение ко Господу, от всяких нас бед свободи, зовущих:

Радуйся, преподобне Серафиме, Саровский чудотворче.



Молитва

О пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебе тощ и неутешен отыде, но всем в сладость бысть видение лика твоего и благоувеличивший глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призвалъ ты Бог от земных трудов к небесному упокоению, николиже любви твоя преста от нас, и невозможно есть исчислити чудеса твоя, умножившаяся, яко звезды небесныя: се бо по всем концем земли нашае людем Божиим являешия и даруеши им исцеления. Тем же и мы вопием ти: о претихий и краткий угодниче Божий, дерзновенный к Немю молитвенниче, николиже призывающия тя отривай! Вознеси о нас благомошную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже беспрекословно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков. Аминь.